



唐詩紀事卷第六十

李節

費冠卿

劉虛白

蕭建

袁不約

孫緯

周祚

崔澹

盧頻

李廓

李頻

賈馳

薛能

曹鄴

裴虔餘

陳陶

李節

會昌季年武宗大剪釋氏中其人且數萬民以隸其居
容貌於土木者沉諸水言詞於紙素者烈諸火分命御
史乘驛走天下察敢隱匿者罪之由是天下名祠珍宇
毀撤如掃天子建極之初雪釋氏之不可廢也詔徐復

唐詩紀事卷二
之而自湖巴南遠人畏決不能酌朝廷之體前時焚撤
書像殆無遺者故雖明命復許創立莫能為謀獨太原
府國家舊都多釋祠我聞其帥司空范陽公天下仁人
我第往求釋氏遺文以惠湘川之人宜其聽我而助成
之矣即杖而北遊既上謁軍門范陽公果諾之因四求
散逸不成蘊帙者得釋經五千四十八卷以大中九年
秋八月輦自河東而歸於湘焉喜釋氏之助世既言之
矣向非我君洞鑒理源其何能復立之既即立之且亡
其書非有疏言識遠而誠取孰克洪之耶吾喜疏言奉
君之令演釋之宗不憚寒暑日之勤德及遠人為叙其事

且贈以詩湘川信信兮俗獷且狠利殺業偷兮夷莫之
訓繫釋氏兮易慕使仁釋何在兮釋在斯文湘水滔滔
兮四望何以猿狖騰拳兮樹雲飛飛月沉浦兮煙暝山
檣席卷兮櫓林閑偃仰兮嘯詠鼓東江兮何時還湘川
超忽兮落日腕腕松覆秋亭兮蘭被春苑上人去兮幾
千里何日同遊兮湘川水
節登大中進士第

費冠卿

閑居即事云生計唯將三尺僮學他賢者隱墻東照眠
夜後多因月掃地春來祗藉風幾處紅旗驅戰士一園

青草伴衰翁子房仙去孔明死更有何人解指蹤

酬范中丞見惠云花宮柳陌正從行紫袂金鞍問姓名
戰國方須禮干木康時何必重侯嬴捧將東帛山僮喜
傳示銀鈎邑客驚直為雲泥相去遠一言知己殺身輕
秋日與冷然上人寺莊觀稼云世人從所好獨自愛身
閑美景當新霽隨僧過遠山村橋出秋稼空翠落澄灣
唯有中林犬猶應望我還

題中峯云中峯高拄次寥天上有茅菴與石泉曠景獵
人曾望見青藍色裏一僧禪

蒙召拜拾遺書情二首云拾遺帝側知難得官緊才微
恐不勝好是中朝絕親友九華山下詔來徵又云三千
里外一微臣二十年来任運身今日忽蒙天子召自慙
驚動國中人

桂樹云本為獨立難寄彼高樹枝蔓衍數條遠漠濛千
朶垂向日助成陰當風藉持危誰言柔可屈坐見蟠蛟
螭

枕梳石云不為幽岸隱古色涵空出願以清泚流鑿此
堅貞質傍臨玉光潤時瀉苔花密往往驚遊鱗尚疑垂

鈞日

冠卿字子庫池州人父居京師感懷詩云榮獨不為苦

求名始辛酸上國無交親請謁多少難九月風到面羞
汗成冰片求名俟公道名與公道遠力盡一得名他喜
我且輕家書十年絕歸去知誰榮馬嘶渭橋柳特地起
秋聲登元和二年第母卒既葬而歸嘆曰干祿養親耳
得祿而親喪何以祿為遂隱池州九華山長慶中殿院
李行修舉其孝節拜右拾遺制曰前進士費冠卿常預
計偕以文中第祿不及於榮養恨每積於永懷遂乃屏
身丘園絕跡仕進守其至性十有五年峻節無用清飈
自遠夫旌孝行舉逸人所以厚風俗而敦名教也宜承
高獎以儆薄夫擢參近侍之榮載佇移忠之効冠卿竟

不應命杜荀鶴有詩弔其墓曰九弔先生者多傷荆棘
間不知三尺墓高却九華山天地有何外子孫無一闕
當時若徵起未必得身還冠卿以拾遺召不起賦詩云
君親同是先王道何如骨肉一處老也知臣下合佐時
自古榮華誰可保

姚合嘗寄詩云逍遙繒繳外高鳥與潛魚闕下無朝籍
林間有詔書夜眠幽洞石曉飯白雲疏四海人空老九
華君獨居此心誰復識日與世相踈

李群玉經費拾遺故居云雲卧竟不起少微空隕光惟
應孔北海為立鄭公鄉舊館苔蘚合幽齋松菊荒空餘

書帶草日日上階長

劉虛白

竟陵人劉虛白擢進士第嗜酒有詩云知道醉鄉無戶
稅任他荒却下丹田出北夢瑣言虛白與盧坦交友坦
主文虛白於簾前獻一絕云二十年前此夜中一般燈
燭一般風不知歲月能多少猶著麻衣待至公

蕭建

蕭與費冠卿同時建寄冠卿云見說九華峯上寺日宮
猶在下方開其中幽境客難到請為詩中圖畫來冠卿
答詩云自地上青峯懸崖一萬重踐危頻側足登斷半

齊甯飛狖啼攀桂遊人喘倚松入林寒瘁瘁近瀑雨濛
濛徑滑石稜上寺開山掌中幡花撲淨地臺殿印晴空
勝境層層別高僧院院逢泉魚候洗鉢老獼戲撞鐘外
戶憑雲掩中厨課木春搜泥時和麩拾橡半添種渡壑
緣槎險持燈入洞窮夾天開壁峭透石蹙波雄澗藹清
無土潭深壁有龍會田一片淨各樹萬株濃野客登臨
慣山房幽寂同寒爐樹根火夏牖竹稍風邊鄙籌賢相
黔黎託聖躬君能棄名利歲宴一相從

建登進士第終禮部侍郎

袁不約

不約有深秋之句云秋聲秋遠杵寒色碧山歸又有客
去之句云送將歡笑去收得寂寥迴張為取二聯於主
客圖

范攄云李固言在成都則李珣郎中郭圓員外陳會端
公袁不約侍郎來擇書記薛重評事皆遠從公可謂蓮
幕之盛

不約登長慶二年集

孫緯

中秋夜思鄭延美有作云中秋中夜月世說懼妖精顧
兔雲初蔽長蛇誰與勅未追良友翫安用玉輪盈此意

人誰諭裁詩寄禁城

緯咸通八年宏詞登科

周祚

莫道春花獨照人愁花未必怯青春四時風雨沒時節
共保松筠根底塵祚以此詩得名張為取作主客圖

崔澹

恠得輕風送異香娉婷仙子曳霓裳惟憂錯認偷桃客
曼倩曾為漢侍郎

澹贈美人

大中末崔鉉自平章事鎮淮海梅收為支使收狀云前
時里巷初迎避馬之威今日藩垣便仰問牛之代澹之

詞也澹終吏部侍郎

盧頻

蛺蝶行云東園宮草綠上下飛相逐君恩不禁春昨夜
花中宿

東西行云種荷玉盆裏不及溝中水養雉黃金籠見草
心先喜

頻又有春淚爛綺羅泣聲抽恨多莫滴芙蓉地愁傷連
蒂荷句一乃朵花葉飛一枝無光彩美人惜花心但願春
長在句右張為取作主客圖

李廓

夏日途中云樹夾炎風路行人正午稀初蟬數聲起
蝶一團飛日色欺清鏡槐膏點白衣無成歸故里自覺
少光輝

廓李程之子也登元和進士第六大中中拜武寧節度使
不能治軍補闕鄭魯言新麥未登徐必亂既而軍亂果
逐廓按舊史廓有詩名大中末累官至潁州刺史再為
觀察使子盡亦登進士第

廓長安少年行云金紫少年郎統街鞍馬狂身從左中
尉官屬右春坊刻戴揚州帽重薰異國香垂鞭踏青草
來去杏園芳又云追逐輕薄伴閑遊不著緋長攏出獵

馬教換打毬衣曉日尋花去春風帶酒歸青樓無晝夜
歌舞歇時稀又云日高春睡足帖馬賞年華倒挿銀魚
袋行隨金犢車還携新市酒遠醉曲江花幾度歸伊黑
金吾送別家又云好勝耽長夜天明燭滿樓留人看獨
脚賭馬換偏頭樂奏曾無歇盃巡不暫休時時遙冷笑
恠客有春愁又云遨遊携豔妓裝束似男兒盃酒逢花
住笙歌簇馬吹鶯聲催曲急春色送歸遲不以聞街鼓
華筵待月移又云賞春唯逐勝大宅可曾歸不樂還逃
席多狂慣衩衣歌人踏日起語燕捲簾飛婦好唯相妬
倡樓不醉稀又云戟門連日閉苦飲惜殘春開鎖通新
客教姬舞醉人清歌率白馬自舞蹈紅茵時輩皆相許
平生不負身又云新年高殿上始見有光輝玉鴈排方
帶金鷄立仗衣酒深和椀賜馬疾打珂飛朝下人曾看
香街意氣歸又云遊市慵騎馬隨姬入座車樓邊聽歌
吹簾外見鶯花樂眼從人鬧歸心畏日斜蒼頭來去報
飲伴到倡家又云小婦教鸚鵡頭邊喚醉醒犬嬌眠玉
輦鷹掣撼金鈴碧地攢花障紅泥待客亭雖然長按曲
不飲不曾聽

鷄鳴曲云星稀月沒入五更膠膠角角鷄初鳴征人牽
馬出門立辭妾欲向安西行再鳴引頸簷頭下月中角

唐詩集卷六
聲催上馬纔分地色第二鳴旌旆紅塵已出城婦人上
城亂招手夫婿不聞遙哭聲長恨雞鳴別時苦不遣鷄
栖近窻戶

鏡聽詞云匣中取鏡祀竈王羅衣掩盡明月光昔時長
著照容色今夜潛將聽消息前門地黑人來稀無人錯
道朝夕歸更深弱體冷如鐵繡帶菱花懷裏熟銅片銅
片如有靈願照得見行人千里形

猛士行云戰鼓驚沙惡天色猛士虬鬚眼前黑單于衣
錦日行兵陣頭走馬生擒得幽并少年不敢輕虎狼窟
裏空手行

送振武將軍云葉葉歸邊騎風頭萬里乾金裝腰帶重
錦縫耳衣寒蘆酒燒蓬煖霜鴻撚笠別看黃河古城道秋
雪白漫漫

小說載廓從其父程過三亭渡為小石隱足痛以呼父
程曰太華峯頭見有仙人手跡黃河灘裏爭得隱人脚
跟

廓落第詩云榜前潛制淚數裏自嫌身氣味如中酒情
懷似別人暖風張樂席晴日看花塵盡是添愁處深居
乞過春

姚合有送李廓侍御赴夏州詩云酬恩不顧名走馬覺身

輕迢遞河邊路蒼茫塞上城沙寒無宿鴈虜近少閑兵
飲罷揮鞭去傍人意氣生

李頻

頻字德新睦州人與里人方干善給事中姚合名為詩
士多歸重頻走千里丐其品藻合大加獎挹以女妻之
乾符中以工部外郎為劔州刺史卒

吳下月夜與曹太尉話別詩云早晚更看吳苑月西齋
長憶月當窓不知明夜誰家見應照離人隔楚江

送茶山人歸洞庭云却共孤雲去高眠最上峯半湖垂
早月中路入踈鐘秋盡空聲急夜深山雨重當時同隱

者分得幾株松

湖口送友人云中流欲暮見湘煙葦岸無窮接楚田去
鴈遠衝雲夢澤離人獨上洞庭舡風波盡日依山轉星
漢通宵向水連零落梅花過殘臘故園歸去醉新年
過四皓廟云東西南北人高跡自相親天下已歸漢山
中猶避秦龍樓曾作客鶴筆不為臣獨有千年後青青
廟木春

陝下懷云故國何處在零落五湖東日暮無來客天寒
有去鴻大河冰徹塞高岳雪連空獨夜懸歸思迢迢永
漏中

鄭谷哭建州李員外詩云今歸終故里永歲道如初舊
友誰為誌清風豈易書兩墳生野蕨鄉奠釣江魚獨夜
吟還泣前年伴直廬

羅隱題方干詩云中問李建州夏汭偶同遊願我論佳
句推君最上流九霄無鶴版雙鬢老漁舟世難方如此
何當浣旅愁

姚合答頻詩云一年離九陌壁上掛朝袍物外詩情遠
人間酒味高思歸知病長失寢覺勤勞衰老無多思因
君把筆毫

賈馳

秋入關詩云河上微風來關頭樹初濕今朝關城吏又
見孤客入上國誰與期西來徒自急
馳唐末人會昌間陸貞洞王滌輩題三鄉詩馳後留贈
云壁古字未滅聲長響不絕蕙質本如雲松心應耐雪
耿耿離崖谷悠悠望甌越杞婦哭夫時城崩無此說
馳有秋入關詩及東風吹曉霜雪鳥雙雙來之句張為
取作主客圖

薛能

能字大拙汾州人會昌六年進士大中八年書判入等
補蓋屋尉辟太原陝虢河陽從事李福鎮滑州表觀察

唐詩集卷之十一
判官歷侍御史都官刑部員外郎福徙西川取為節度
副使咸通中攝嘉州刺史歸朝遷主客度支刑部郎中
俄刺同州京兆尹溫璋貶命權知尹事出領感化節度
入授工書復節度徐州從中武廣明元年徐兵赴潞水
經許能以前帥徐軍吏懷恩館之州內許軍懼徐人見
龍大將周岌因衆怒逐能自稱留後能全家遇害

能申湖詩云昔年依峽寺每日見申湖下淚重來此知
心一已無雨淋舟色暗岸拔木形枯舊境深相惱新春
宛不殊方來尋孰侶起去恨驚鳥忍事花何笑喧吟瀑
正廉堪憂從宦到倍遣曩懷孤上馬終回首傍人恠感

吁

謝劉相寄天柱茶云兩串春團敲夜光名題天柱印維
揚偷嫌受倩桃無味搗覺嫦娥藥不香惜恐被分緣利
市盡應難覓為供堂廉官寄與真拋却賴有詩情合得
嘗

獻僕射相公云清如冰玉重如山百辟嚴趨禮絕攀強
虜外聞應破膽平人長見盡開顏朝廷有道青春好門
館無私白日閑致却垂衣更何事幾多詩合詠關關
從事蜀川日每短諸葛功業其詩曰流運有功終是撓
陰符多術得非姦又云陳圖誰許可廟貌我挪榆又云

焚却蜀書宜不讀武侯無可律吾身能後鎮徐州上元
夜偶作云誰見將軍心似海四更親領萬人遊自負如
此東軍亂被害

上元詩偃王燈塔古徐州二十年來樂事休此日將軍
心似海四更身領萬人遊又云十萬軍城百萬燈酥油
香暖夜如蒸紅粧滿地煙光好祇恐笙歌引上昇其後死於

徐州

能鎮徐慕容溥劉巨容周茂俱在麾下未數年溥鎮徐
巨容鎮襄茂鎮許俱假端揆故能詩曰舊將已為三僕
射病身猶是六尚書

能題後集曰詩源何代失澄清處處狂波汙後生常感
道孤吟有淚却緣風壞語無情難甘惡少欺韓信枉被
諸侯殺彌衡縱到緱山也無益四方聯絡盡蛙聲青春
背我堂堂去白髮催人故故生此能詩也然無子美大
體之度

鄭谷讀許昌詩集作云篇篇高且真真為國風陳澹佇
雖師古縱橫得意新剪裁裁幾帙近世詩人述作唱和

和誰人華嶽題無敵黃河句絕倫韋岳黃河詩序云皆

吟殘荔枝兩詠徹海棠春公有海棠荔枝二首序云杜

李白欺前輩公有寄符郎中云我生名在陶潛仰後塵

唐詩紀事卷六

三

公有論詩一章云李白難忘嵩室下公有嵩山巨篇不負蜀江濱公常從事蜀中著一年集屬思看山眼冥搜倚樹身措模勞夢想諷誦爽精神筆落空追愴曾蒙借斧斤

秋夜旅舍寓懷云夜鎖荒蕪獨夜吟西風吹動古人心三秋木落半年客滿地明月何處砧漁唱亂汭汀鷺合鴈聲寒咽隴雲深平生只有松堪對露浥霜欺不受侵許州題德星亭云漢水南流東有堤堤邊亭是武林溪槎松配石堪僧坐藥杏含春欲鳥啼高處月生滄海外遠郊山在夕陽西頻來不似軍從事只戴紗巾曳杖藜褒斜道中云十

旋入旁來水山闊猶藏向後峯鳥徑惡時應立虎禽田開日自燒松行吟却笑公車役夜發星馳半不逢

曹鄴

鄴能文有特操咸通初為太常博士白敏中卒議謚鄴責其病不堅退且逐諫臣懿宗中病足求避位不許補怙威肆行謚曰醜高元裕子璠懿宗時為相卒鄴建言璠為宰相交游醜雜進取謚法不思妄愛曰刺請謚為刺

讀李斯傳云欺暗常不然欺明當自戮難將一人手掩得天下目

杏園即席上同年云岐路不在天十年行不至一旦公道開青雲在平地枕上數聲鼓衙門已如市白日探得珠不待驪龍睡忿忿出九衢僮僕顏色異故衣未及換尚有去年淚晴陽照花影落絮浮野翠對酒時忽驚猶疑夢中事自憐孤飛鳥得接鸞鳳翅永懷共濟心莫起胡越意

鄴字業之大中進士也唐末以禮部郎中知洋州

鄰女面上花空床常對影况妾不嫁容甘為瓶墮并句右張為取此句洎讀李斯傳杏園上同年詩作主客圖老圃堂詩云邵平瓜地接吾廬穀兩乾時手自鋤昨日

春風欺不在就床吹落讀殘書

送人歸南海云數片紅霞映夕陽攬君衣袂更移觴行人莫嘆碧雲曉上國每年春草芳雪過藍關寒氣薄鴈迴湘浦怨聲長應無惆悵滄海遠十二重樓非我鄉右

章韋莊取為又玄集

裴虔餘

咸通末虔餘佐北門李公淮南幕李嘗遊江舟子刺舟竹篙濺水濕近坐之衣公色變虔餘紀一絕云滿額鵝黃金縷衣翠翹浮動玉釵垂從教水濺羅衣濕知是巫山行雨歸公極懽令謳者傳之

陳陶

朝元引四闕云帝燭熒煌下九天蓬萊宮曉玉爐煙無
央鸞鳳隨金母來賀薰風一萬年又云玉殿雲開露冕
旒下方珠翠壓鰲頭天雞唱罷南山曙春色先歸十二
樓又云萬寓靈祥擁帝居東華元老薦屠蘇龍池遙望
非煙拜五色瞳隴在玉壺又云寶祚河宮一向清龜魚
天篆益分明近臣誰獻登封草五嶽齊呼萬歲聲

閑居雜興云一顧成周力有餘白雲閑釣五溪魚中原
莫道無麟鳳自是皇家結網疎又云長壽真人王子喬
五松山月伴吹簫從他浮世悲生死獨駕蒼龍入九霄

池塘生青草云謝公遺詠處池水夾通津古往人何在
年來草自春色宜波際綠香異雨中新今日青青意空
悲行路人

北夢瑣言云大中年陶歌詩似負神仙之術或露王霸
之說其詩云江湖水清淺不足掉鯨尾又云飲來狼子
瘦思入鷓鴣寒又云中原莫道無麟鳳自是皇家結網
疎又云一鼎雄雌金液火十年寒暑鹿麕衣又云寄語
東流任班鬢向隅終守鐵梭飛諸如此例不可殫紀貫
休書西人陳陶處士隱居云有叟傲堯日髮白肌膚紅
妻子亦讀書種蘭清溪東白雲有奇色紫桂含天風即

應迎鶴書肯羨於洞洪又云高步前山前高歌北山北
數載賣柑橙山資近又足

陶種柑橙今
山童賣之

陶劔浦人居南昌之西山宋齊丘守南昌因有蒲安之
觀乃自詠云中原莫道無麟鳳自是皇家結網踈與水
曹任晚郎中又善寄晚詩云好向明時薦遺逸莫教千
里弔靈均江南後主即位知其運祚衰替以修養為事
故詩由乾坤見了文章懶龍虎成來印綬踈嚴尚書字
鎮豫章遣小妓號蓮花者西山侍陶陶殊不顧妓為詩
曰蓮花為號玉為腮珍重尚書遣妾來處士不生巫峽
夢虛勞神女下陽臺陶答之曰近來詩思清如月老人

心情薄似雲已向昇天得門戶錦衾深媿卓文君

陶唐末自稱布衣開寶中人或見之或云已得仙矣蟬
聲將月短草色與秋長句此屋歌黃竹何人撼白榆句
右張為取作主客圖

陶題徐樾湖亭云伏龍山橫洲渚地人如白蘋自生死
洪崖成道二千年唯有徐君播青史

方干哭陶詩云雖云掛劔來墳上亦恐藏書在壁中

唐詩紀事卷第六十

唐詩紀事卷第六十一

聶夷中

劉象

紀唐夫

羅紹威

鄭仁表

張林

李搏

裴廷裕

高蟾

宋邕

崔塗

孫郃

鄭準

章碣

于濆

聶夷中

次中有公子行云種花滿西園花發青樓道花下一禾
生去之為惡草又詠田家詩云父耕原上田子斲山下
荒六月禾未秀官家已修倉又云二月賣新絲五月糶
新穀醫得眼前瘡剗却心頭肉我願君王心化作光明

燭不照綺羅筵偏照逃亡屋所謂言近意遠三百篇之
正也咸通十二年高湜知舉榜內孤寒者夷中公乘億
許崇夷中尤貧苦精古詩

夷中字坦之咸通中為華陰尉

劉象

鷺鷥詩云潔白孤高性不同頂絲清軟冷搖風窺魚翹
立荷香裏慕侶低翻柳影中幾日下巢辭紫閣多時疑
日向晴空摩霄志在潛修羽會接鸞凰別葦叢

象京兆人天復元年與曹松輩同登第號五老榜

象詠仙掌詩時號劉仙掌詩云萬古亭亭倚碧霄不成

奇刻不成招何當掬取天池水洒向人間救旱苗

紀唐夫

開成中執政惡溫廷筠擾場屋黜隨州縣尉唐夫送以
詩曰何事明時泣玉頻長安不見杏園春鳳凰詔下雖
沾命鸚鵡才高却累身且飲綠醪消積恨莫思黃綬拂
行塵方城若比長沙遠猶隔千山與萬津

唐夫驄馬云連年出塞踏沙蓬豈比當時御史驄逐北
自諳深磧路連嘶誰念靜邊功登山每與青雲合弄影
應知碧草同今日虜平將換妾不如羅袖舞春風

羅紹威

唐末襲父洪信為魏博節度使喜為詩江東羅隱有詩
名紹威厚禮之與通屬籍目已所為詩號偷江東集如
樓前淡淡雲頭日簾外蕭蕭雨脚風無愧隱矣紹威形
貌魁偉有英傑氣好招延文學士開館聚書萬卷每歌
酒宴會與賓佐賦詩頗有情致羅隱贈紹威詩云寒門
雖得在諸宗樓北巢南恨不同馬上固慙銷髀肉幄中
猶美愈頭風蹉跎歲月心仍切迢遞江山夢未通深荷
吾人有知己好將筆力當英雄

鄭仁表

贈美人云嚴吹如何下太清玉肌無疹六銖輕自知不

是流霞酌願聽雲和瑟一聲嘗有詩曰文章世上爭開
路闕閱山東柱破天仁表經過滄浪峽憇於長亭驛吏
堅進一板仁表走筆云分陝東西路正長行人名利火
燃湯路傍著榜滄浪峽真是將閑攪撩忙

仁表豪爽有文嘗以門闕文章自高曰天瑞有五色雲
人瑞有鄭仁表傲縱多所凌藉人畏薄之仕為起居郎
為劉鄩所惡貶死嶺外鄩少時投文於仁表父洎仁表
啞鄙之鄩為相仁表貶死

張林

林擢進士第官至御史為詩小巧多採景於園林亭沼

云菱葉乍翻人採後，菱荷初沒舸行時。亦佳句也。林言
毀佛寺時，御史有蘇監察者，檢天下廢寺，見銀佛一尺，
以下者多，袖而歸。時號蘇捏佛。溫庭筠遽曰：好對密陀
僧。

李搏

僖宗在成都，廷裕登第，搏以詩賀曰：銅梁千里曙雲開，
僊錄新從紫府來。天上已張新羽翼，世間無復舊塵埃。
嘉禎果中君平卜，賀喜須斟卓氏杯。應笑戎藩刀筆吏，
至今泥滓曝魚腮。既而復譴之曰：曾隨風水化，几鱗安
上前門一字新聞道。蜀江風景好，不知何似杏園春。裴

有六韻，荅曰：何勞問我成都事，一報君知便納降。蜀柳
籠堤煙矗矗，海棠當戶燕窠窠。富春不並窮師子，濯錦
全勝早曲江。高捲絳紗揚氏宅，時上文寓揚子巷故有此句半垂紅
袖薛濤牕。浣花泛鷁詩千首，靜衆尋梅酒百缸。若說絃
歌與風景，主人兼是碧油幢。

搏登乾符進士第

裴廷裕

廷裕字膺餘，昭宗翰林學士，左散騎常侍。乾寧中，在內
庭，文書敏捷，號下水舡。後貶湖南卒。

廷裕偶題云：微雨微風寒食節，半開半合木蘭花。看花

倚柱終朝立却似淒淒不在家

高蟾

詠春詩曰明月斷魂清靄靄平蕪歸思綠迢迢人生莫
遣頭如雪縱得春風亦不消

金陵晚望云曾伴浮雲悲晚翠猶陪落日泛秋聲世間
無限丹青手一片傷心畫不成

鄭谷贈詩云張生故國三千里知者惟應杜紫微君有
君恩秋後葉可能更羨謝玄暉蓋蟾有宮詞云君恩秋
後葉日日向人疎

蟾初落第詩天上碧桃和露種日邊紅杏倚雲栽芙蓉
生在秋江上不向東風怨未開胡曾亦有下第詩云翰
苑何時休嫁女文章早晚罷生兒上林新桂年年發不
許平人折一枝時謂蟾無躁競心後登第乾符中為中
丞

宋邕 一作雍

春日云輕花細葉滿林端昨夜春風曉色寒黃鳥不堪
愁裏聽綠楊宜向雨中看偽蜀韋穀取此詩為才調集
唐末五雲溪人范攄云宋雍初無令譽及嬰鼓督疾而詩
名始彰或戲其詩云綠楊宜向雨中看所謂無眼作有
眼之詩

崔塗

春夕旅懷云水流花謝雨無情送盡東風過楚城蝴蝶
夢中家萬里杜鵑枝上月三更故園書信動年絕華髮
春惟兩鬢生自是不歸歸便得五湖烟景有誰爭
蜀城春云天涯憔悴身一望一霑巾在處有芳草滿城
無故人懷才皆得路失計自傷春清鏡不堪照鬢毛秋
更新

塗字禮山光啓進士也

感花詩云繡輓香羈夜不歸少年爭認最紅枝東風一
陣黃昏雨又到嫩絲華上夢覺時

孫郈

郈古意云屈子生楚國七雄知其才介潔世不容跡合
歲蒿萊道廢固命也瓢飲亦賢哉何事莖江南空使後
人哀

又云魏禮段干木秦王乃止戈小國有其人大國柰之
何賢哲信為美兵甲豈云多君子戰必勝斯言聞孟軻
師字希韓四明人與方干友善軻寧中登進士第好荀
揚孟子之書學退之為文為校書郎中河南府文學其
文為錢珣所序詩有仕宦類商賈終日常東西之句

鄭準

江南清明云吳山楚驛四年中一見清明一改容旅恨
共風連夜起韶光隨酒著人濃延興門外攀花別採石
江頭帶酒逢無限歸心何計是路邊戈甲正重重
準以文依荊州成中令訥常欲比有陳阮自作所業為
三卷號劉表軍書其應舉日詩卷有題水牛云護犢橫
身立逢人揭尾跳朝士大笑準不欺登乾寧進士第有
渚宮集一卷

章碣

癸卯歲毗陵登高云流落常嗟勝會稀故人相遇菊花
時鳳笙龍笛數巡酒紅樹碧山無限詩塵土十分歸舉

于乾坤大半屬偷兒長楊羽獵須留本開濟重為闕下
期

焚書坑詩云竹帛煙銷帝業虛關河空鎖祖龍居坑灰
未冷山東亂劉項元來不讀書

上元夜建元寺觀燈呈通智上人建元看列上元燈處
處回廊鬪火層珠玉亂拋高殿佛綺羅深拜遠山僧臨
風走筆思呈惠到曉行禪合伴能無限喧闐留不得月
華西下露華凝

邵安石連州人高湘侍郎南遷歸闕途次連江安石以
所業投獻遂挈至輦下湘主文安石擢第碣賦東都望

唐詩紀事卷第六十一

唐詩紀事卷第六十二

鄭嵎

津陽門詩華清宮之外闕南偏禁闕北走京道開成中
嵎常得群書下帷於石甕僧觀而甚聞宮中陳跡焉今
年冬自號而來暮及山下因解鞍謀食求客旅邸而主
公年且艾自言世事明皇夜闌酒餘復為嵎道承平故
實翌日於馬上輒載列俚叟之話為長句七言詩凡一
千四百字成一百韻止以門題為之目云耳
津陽門北臨通達雪風獵獵飄酒旗泥寒款段蹶不進
疲童退問前何為酒家顧客催解裝案前羅列樽與卮



青錢瑣屑安足數白醪軟美其如飴開爐引滿相獻酬
枯腸渴肺忘朝饑愁憂似見出門去漸覺春色入四肢
主翁移客挑華燈雙肩隱膝烏帽歌笑云鮎老不為禮
飄蕭雪髮霜垂頤問余何往凌寒曦顧翁枯朽郎豈知
翁曾豪盛君不見我自為君陳昔時時平親衛號羽林
我統十五為孤兒射熊搏虎衆莫敵鸞孤出入隨似飛
開元中未有東西神策此時上御觀風樓水光山影相
參差觀風樓在宮之外東北隅屬夾城而達于八姨新
起合歡堂翔鴻賀燕無由窺萬金酬工不肯去矜能恃
巧猶嗟咨號國創一堂價費萬金堂成工人徵價之

不知顧魏國訝之問其由工曰某生平之能彈於此矣
使有閑隙得亡一物即不論工直也於是又以繒絲珍
綺與之天下佳人至今語古事者尚以弟行呼諸姨焉

西方節制傾附媚窮奢極侈沽恩私堂中特設夜明枕

銀燭不張光鑒惟魏國夜明枕置於堂中光燭一室西

瑤光樓南皆紫禁黎園仙宴臨花枝迎娘歌喉玉窸篠

蠻兒舞帶金歲蕤瑤光樓即飛霜殿之北門迎娘三郎

紫笛弄煙月怨如別鶴呼羈雌玉奴琵琶龍香撥倚歌

促酒聲嬌悲上皇善吹笛常寶一紫玉管貴妃妙彈琵琶

為撥者上每執酒卮必令迎娘歌水調曲遍是太真軼
彈絃倚歌為上送酒內中皆以上為三郎玉奴乃太真

也小字飲鹿泉邊春露晞粉梅檀杏飄朱墀金沙洞口長

生殿玉蓋峯頭王母祠山城內多馴鹿流潤號為飲鹿

元關即御長生殿以沐浴浴也禁庭術士多幻化上前較勝紛相持羅

公如意奪顏色三藏袈裟成散絲上頗崇羅公遠揚如

幸功德院將謁七聖殿忽然背癢公遠折竹枝化作七

寶如意以進上大喜顧謂金剛曰上人能致此乎三藏

曰此幻誑耳僧為陛下取真物乃於袖中出七室如意

炳輝而光遠所進即時復為竹枝耳後一日揚妃為三

人定優劣時禁中將創小殿三藏乃舉一鴻梁於空中

將中公遠之首公遠不為動容上連命止之公遠飛符

於他處竊三藏金欄袈裟於擲中守者不之見三藏怒

又咒而取須臾而至公遠復嘆水龍符於袈裟上散為

絲以其年十月移禁仗山下擲比羅百司朝元閣成老

君見會昌縣改新豐移時有詔改新豐為會昌縣移自

月望君見于朝元閣南而於其處立降聖觀復改新豐

為昭應縣辭宇始成令大將軍高力士率樂樂以樂之

幽州曉進供奉馬玉珂寶勒黃金羈安祿山每進馬必

飾五王扈駕夾城路傳聲校獵渭水涓六軍各出射屏

兜弋徒絡野張宜維雕弓繡韉不知數翻身滅沒皆蛾

眉赤鷹黃鵠雲中來妖狐狡兔無所依人煩馬殆禽獸

盡百里腥羶未黍稀中王有高麗赤鷹岐王有北山黃

校獵必置於駕前日為快勝兒暖山度獵東風微官娃賜浴長湯池刻

成玉蓮噴香液漱迴煙浪深透迤官內除供奉兩湯池

所而長湯每賜諸嬪御其修廣與諸湯不作甃以文瑤

之石中央有玉蓮捧湯泉噴以成池又縫綴錦繡為鳥

鴈於水中上時於其間犀屏象薦雜羅列錦鳥繡鴈相

泛被鏤小舟以嬉游馬追隨破簪碎鈿不足拾金溝殘溜和纓綾上皇寬容易

承事十家三國爭光輝繞床呼盧恣博張燈達晝相

謾欺相君侈擬縱驕橫日從秦號多游嬉朱衫馬前未

滿足更驅武卒羅旌旗揚國忠為宰相帶劍南節度使常與秦號聯轡而出更於馬前

以兩川旌節為導也畫輪寶軸從天來雲中笑語聲融怡鳴鞭後

騎何蹀躞官粧禁袖皆仙姿青門紫陌多春風風中數

日殘香遺驪駒吐沫一奮迅路人擁篲爭珠璣事盡載在國史

蓬萊池上望秋月無雲萬里懸清暉上皇夜半月中去

三十六宮愁不歸月中秘樂天半聞玳瑁玉石和填筑

宸聰聽覽未終曲却到人間迷是非葉法善常引上入月宮時秋已深上

苦凄冷不為久留歸於天半間尚聞仙樂及上歸且深上入憶其半遂於笛中寫之會西京都督揚敬述進婆羅門

曲與其聲調相符遂以月中所聞為之散序千秋御飾

用敬述所進曲作其腔而名霓裳羽衣法曲千秋御飾

在八月會同萬國朝華夷花萼樓南大合樂八音九奏

鸞來儀者盧尋撞誠齋齋公孫劍伎方神奇馬知舞徹

下牀榻人惜曲終更羽衣會必於勤政樓下使華夷縱觀有公孫大娘舞劍當時號為雅妙又設連榻人馬舞其上馬衣紈綺而被鈴鐸驤首奮鬣舉趾翹尾變態動

容皆中音律又令宮效梳九綺仙髻衣孔雀翠衣佩七寶嬰珞為霓裳羽衣之類曲終珠翠可掃其舞馬祿山亦將數疋以歸而私習之其後田承嗣代安有存者一且於廐上間鼓聲頓挫其舞既人惡之舉簪以擊之其馬尚為怒未研妙更奮廐宛轉曲盡其態廝恐祿山此以告承嗣以為妖遂戮之而舞馬自此絕矣

時侍御側金鷄畫障當梁楣繡裯衣祿日負鼎其言狡

計愈驕癡金鷄陣隔之賜其箕踞太真又以為子時以

後拜上上笑而問其故對曰臣本蕃中人禮先拜貴妃然後拜父是詔令上路建甲第樓通走馬如飛輦大開內府

恣供給玉金筐銀鞍箕時於親仁里南陌為祿山建之曰卿善為部署祿山眼孔大勿令笑我至於第耳箕在之具成金銀為之今回元觀即其故第耳

異謀潛熾促歸去臨軒賜帶盈十圍祿山肥腴過人腹垂而緩帶十五圍

方周忠臣張公識逆狀日日切諫上弗疑張曲江先識數言於上上曰卿勿以王夷湯成召浴果不至潼關甫識石勒而誤疑祿山尔

已嗾漁陽師御街一夕無禁鼓玉輅順動西南馳其年子使回泣訴祿山反狀云臣幾不至生返上猶疑其言復遣使喻云我為卿造一湯待卿至使回答言反狀上疑即寇軍九門回望塵空多六龍夜馭兵衛疲縣官已至潼關矣

無人具軍頓行宮徹屋屠雲嶠時郊畿草擾無御頓之備上命徹行宮木宰御

馬以饗馬嵬驛前駕不發宰相射殺寃者誰長眉鬢髮士卒

作疑血空有君王潛涕淚青泥坂上到三蜀金堤城邊

止九旂移文泣祭昔臣墓度曲悲歌秋鴈辭駕至蜀詔中貴人

明年尚父上捷書洗清觀闕收封畿兩君相見望賢張曲江墓悔不納其諫又過劔閣下望山川忽憶水調辭云山川滿目淚沾衣富貴榮華能幾時不見只今分水上唯有年年秋鴈飛上法然流涕顧問左右曰此誰人詩從臣對曰此李嶠詩復掩泣曰李嶠真可謂才也

宮頓首鼓舞皆歔歔望賢宮在咸陽之東數里時車駕自蜀回肅宗迎駕至上皇自致傳

行耆老皆呼萬歲當時識者皆是之宮中皆呼高驃騎潛令改葬揚真妃

花膚雪艷不復見空有香囊和淚滋時肅宗詔令改葬

其所瘞在馬嵬坡驛西北十餘步當時乘輿卒遽無復

備周身之具但以紫綉而窆之及改葬之時皆已朽壞

惟有膏前紫綃香囊中尚得水鸞輿却入華清宮滿山

紅實垂相思飛霜殿前目悄悄迎春亭下風颼颼飛霜

寢殿而白傳長恨以長生殿即為寢殿殊誤矣上皇至

明年復舊臣以幸華清宮信宿乃回自此遂移處西內

矣雪衣內失玉籠在長生鹿瘦銅牌垂象床塵凝菴颯

被畫檐垂網頗梨碑太真養白鸚鵡西國所貢辯惠多

芙蓉園中獲白鹿惟山人王昊識之曰晉時鹿也上異

之令左右周視之乃於角際雪毛中得銅牌子刻之曰

宜春苑中白鹿上由是愈愛之移於北山字之曰山客

上止華清菴颯公主嘗為上晨召聽按新水調愛主起

聽遺遺玳瑁珠被而後及冠至倉惶隨駕出宮後不知

及上歸南內一旦再入此宮而當時菴颯之被宛然而

塵積矣上左懽焉溫泉堂碑其不碧菱花覆雲外陵風

簟雨菊依離披真人影帳徧生草果老藥堂空掩扉真人

李順興後周時修道北山神堯皇帝授禪真人潛告符

契至今山下祠宇宮中有七寶殿自仁農至宗連實后

皆立衣袞衣統殿石榴樹皆太真所植俱腫矣南有

宮院其間瑤壇羽帳皆在馬順興影堂果老藥室亦在

禁中昇湖一日失弓劍橋山煙草俄霏霏空聞玉梳入

金市但見銅臺飄總帷開元到今踰十紀當初事跡皆

殘陳竹花唯養棲梧鳳水藻周游巢葉龜會昌御宇斥

內典去留二教分黃緇慶山汗縉石甃毀紅樓綠閣皆

支離奇松恠栢為樵蘇童山胥谷亡嶮巖烟中壁碎摩

支離奇松恠栢為樵蘇童山胥谷亡嶮巖烟中壁碎摩

詰盡雲間字失玄宗詩持國寺本名慶山寺德宗始改

朝以禁匠取宮中制度結構之石龕寺開元中以創造

華清宮餘材修繕佛殿中玉石像皆出州進來與朝元

閣道像同日而至精妙無比之如磬餘像並揚惠之

手望腋空像皆元伽兒之制能妙織麗曠古無傳紅樓

在飛殿之西巖下臨絕壁樓中有玄宗題詩草八分每

一篇殿之西巖下山水兩壁寺毀之後皆失之矣摩詰

乃王維之石魚巖底百尋井銀床下卷絲綆逢當時清

影蔭紅葉一旦飛塵埋素規石魚岩下有天絲石其形

甕為寺名寺僧於上層飛樓中懸轆轤引修絳長二百

餘尺以汲甕泉出於江樓喬樹之杪寺既毀拆石甕今

已埋韓家燭臺倚林杪千枝燦若山霞摘昔年光彩奪

天月昨日銷鎔當路岐韓國為千枝燈臺高八尺置

光奪月凡百里之內皆可望焉龍宮御膳高可惜火焚牛挽臨崎危乳

雀松殘赤琥珀駕鴛瓦碎青瑠璃寺額睿宗在藩邸中

上世傳孔雀松下有赤茯苓入土千年則成琥珀今我

寺之前峯古松老栢泊乎嘉草今皆樵蕪蕩除矣前程能幾許徒有餘恩筋力羸逢君話此空灑涕却憶

歡娛無見期主翁莫泣聽我話寧勞感舊休吁噉河清

海晏不難覩我皇北走弃黔黎惶中土地昔堙沒昨夜

收復無瘡痍戎幕蕭蕭西馬奔空壘萬里失月支兩逢

堯年豈易偶願翁頤養豐膚肌平明酒醒便分首今夕

一罇翁莫違

七

唐詩紀事卷六十二

唐詩紀事卷第六十二



